

LOU GALETOU

Segoundo annado ■ Numerô 2
Lou numerô : Cinq sôs (no vel per mei)
Abounamen : un écu de 3 francs

FÉVRIER 1936

Direci, redaci, administraci : 21, Vieillo routo d'Aisso, Limoges :: Téléphone 18.46

" Per dehagnâ lous Lemouzis "




Photo Jové

Qu'ei dins no vieillo galeteiro qu'un faî lous meillours galetaus !

...Boun carnavar ! Minjâs sala et bevez se !
...et n'oblidez pas de chantâ Lo Margui en fasen virâ lo sieito !

Veiqui lo pâto dau galeitou de Février :

LO LENGO D'OR.....	Jean REBIER.	LO BACADO.....	Jan PRINTEN.
QUAND LO MARGUI VAI AU MOULI		PIPO, PATRACO !.....	A. GOURSAUD.
LOU CARNAVAR DE PIERICHOU	FRANCÈS.	SOUN AGILITA.....	Lou viei MARSAU.
LOU TETOU DE LA BARGEIRA		QU'EI ACO ?.....	
SOUN DUR.....	Jan PRINTEN.	et quaucas zinzouenas per iô sabouri	

Depei que Nonissou o na troubâ Moussur BEYRAND, lou couneltriâs pûs. Sas jôtâs qu'ô mettio dins un porto-peïlo sount, per moun armo, fermâs coumo quelas d'un petarou, et vous repounde qu'è se privo pas de rire, per mour qu'ô n'ei pu berche et que sas nuvelas dents sount blanchas coumo de las dents de la. Sous bancs credarian per Paqueïs que co m'etounorio pas.

Robert BEYRAND, Chirurghen - Dentiste, 38, rue Elie-Berthel, Limoges

No drollo que s'en vai en balado, bien maiado ei meta maridado. Drollas courez vite chaz

QUEYROI, 7, boulevard Louis-Blanc, 7
LIMOGES

per maiâ votre parpai.
Lou magasin ei toujours en brando de flour coumo un vargei au mei de Maï !

Un poste

ÉLECTRICITÉ :: T. S. F.

G M R le bon poste français

qu'il parle français...
qu'il parle patois...

est toujours compris...

Agent régional :

J. CAMUS

4, boulevard Louis-Blanc, 4
Téléphone 19.86

Lo lengo d'or

I

Notro lengo lemousino
O denquero lou sang vi,
Toujours moucandieiro et fino
L'ei toujours reino au païs.

II

Deipei lou tem qu'un l'enterro
Lo se fai denquero auvi
Lo n'ei pas morto denquero
Et lo ne vô pas mourî.

III

Visâ coumo lo se câro,
L'o boun ped mais bouno dent,
Lo peû leno, lo vou cliaro
Et lou resto à l'avenent.

IV

Sous so coueio de dentelo
Sas jôtas souni de velours,
Dins sous oueis luzi l'etelo
Et so boucho qu'ei no flour.

V

A no si gento bargeiro
Lous galants ne manquen pas,
Toujours risento et legeiro
Lo n'en trôbo à chaque pas.

VI

A quis que saben li plaire
Lo se laisso calinâ.
Lous felibres dau terraire
Ne se fan gaire prejà.

VII

Coumo antan, troupo fidelo
Is van tenei cour d'amour
Dins lou varger de lo bello
Que jamais ne passo flour.

VIII

L'o pica per lour fa feito
No roso entre sous tetoûs,
Is pôsaran sur so têtô
No courouno de chansous.

Jean REBIER.

Quand lo Margui vaî au mouli

IIII

Quand lo Margui vaî au mouli
En filant so counceillo de bri,
Mountado sur sou ane
Martin, revenen, trin-trin,
Tout à l'entour de la roue du moulin
Sur le sac de blé
De l'argent du meunier.

Lou mounier que lo veû venî
De rire ne po pas se tenî.
Eitacho qui toun ane
Martin revenen, trin-trin,
Tout à l'entour...

Tant que viravo lou mouli
Lou mounier fringavo lo Margui
Lou loup minjavo l'ane
Martin revenen, trin-trin,
Tout à l'entour...

Quand lo yiguet l'ane minja
Lo Margui se metet de purâ.
Ente troubâ n'autre ane ?
Martin revenen, trin-trin,
Tout à l'entour...

Mounier, mounier tu me fas tort,
Tu m'embrassâ et moun ane ei mort.
Et que diro notre ôme ?
Martin revenen, trin-trin,
Tout à l'entour...

I'ai cinq ecus dins moun pouchou
Gardo n'en treis et laisso m'en dous.
Nous chataran n'autre ane
Martin revenen, trin-trin,
Tout à l'entour...

Quand l'o chato soun anissou
Lo Margui s'en torno à lo meijou.
Lo vaî troubâ soun ôme
Martin revenen, trin-trin,
Tout à l'entour...

Quand soun ôme lo veû venî
De credâ ne po pas se tenî
Mas, co n'ei pas notre ane !
Martin revenen, trin-trin,
Tout à l'entour...

Notre ane avio quatre pedis blancs
Lous dous dareis, mais lous dous davant
Lo rejo dau cû negro
Martin, revenen, trin-trin,
Tout à l'entour...

Sabeis-tu pas, moun gros nigaû
Qu'au mei de maï tout chanjo de piat
Entaû o fa notre ane
Martin revenen, trin-trin,
Tout à l'entour...

Quand se vendro per lo Sen-Jan
Tous lous cournards se rassembloran
Tu siras capitâni
Martin, revenen, trin-trin,
Tout à l'entour de la roue du moulin
Sur le sac de blé
De l'argent du meunier.

N'an auvi dire que l'ami Jean LA-
GUENY vai li fâ mettre de lo musico.
Quand co siro fa nous io vous faran
sabei.

L'argen qu'un baillo à l'assurança co n'ei gro de l'argen minja, per mour qu'un ei a l'abri dax encis. Mas per dermi tranquille, chaussez bien votro assuranço. Vous n'en troubaroz pas de meillour que lo **MUTUELLE DE POITIERS**.

Si vous ne sei pas deja assura nas vous en trouba deipei huei

Moussur Gabriel JOUHANNEAUD,
20, rue Pétiliaud-Beaupeyrat, Limoges.

Lous Lemouzis aimen las zinzouenas, nous n'a mei dins tous lous coins d'au « Galetou ». Per las troubâ pu vite, prenez de bounas lunetas chaz GAUTIER LAVIGNE,

GAUTIER-LAVIGNE

15, rue Saint-Martial, LIMOGES, Tel. 11.65

OPTIQUE Succursales :

55, RUE DU CLOCHER

88, AVENUE GARIBALDI

Lou monde sount trop lis. Quant is serten de chaz
LACROIX FRÈRES, Limoges, 28, rue du Consulat, Tél. 16-15
 Ceintures Médicales — Fournisseur du Centre d'Appareillage
 lous tors, lous boussus, lous bouëtous, lous ventrus, sount
 drels coumo de las lumetas et lesteis coumo daus chat-
 eurôs !



Deipei qu'aj chata no ligno cház
COLOX, lous peissous couren s'etacha
 tous sous prei lou clio. me fau no gaulo
 per lou gandi. Is minjarian lou quite fi.

COLOX

Rue Adrien-Dubouché

Pour vous, Mesdames,
 Poissons rouges, Aquariums, Bibelots

Lou carnavar de Pierichou

Pierichou aimo lou boum vi ;
 O n'o pas tort a moun avis.
 D'un beavadour, visâ lo mino,
 Avez sas chansous.
 Es tous lous cineis que plejen l'echino
 Fujen louen de nous
 Eita be, Pierichou, alentour dau village,
 Dins toutes las meijous et dins chaque menage,
 N'avio mâ dau amis
 Que lou veniar queri
 Per lou fâ chantâ, beure, rire,
 Si per cas is vian quaucore a frire.
 Un ser de carnavar, soun resi Tonirou
 Vingue li dire :
 « Vague soupâ chaz nous, meno lo Catirou,
 Nous vouten rire. »
 Pierichou n'ei gro feïounier
 De refusâ ô n'ague pas l'edeio.
 O laissé vite lou panier
 Qu'ô tournavo ellessâ et crede : « Vieilio,
 » Nous van soupâ chaz Tonirou ! »
 — Qu'ei bien ! disse lo Catirou.
 Vei t'ns qui partis, sei manierâs.
 Sitôt ribâ, preney leur tierâs,
 Et lo Liso de Tonirou
 Servigue vite lou bouillon.
 Yé, si autrei via ru quello toblado !
 Que l'assemblado !
 Per moun armo, is vian dau goût.
 Is minjaran coumo dau lous,
 Et vian tant de cœur a l'oubrage
 Que l'etit quan mounto l'orage
 Ah ! moun ami !
 Quel appétit !
 Sis minjeren, bien mai, is begzeren :
 Chapinâ sur chapinâ se segueren ;
 Et, quant is pourteren lou café
 Pierichou disse : « Per mo fe,
 » Moun ventre manio mo chamiso,
 » N'en pode pus, mo paubro Liso ! »
 O déboutoune soun parpai.
 — Bouei ! pensan-vous, co n'ei gro vral. »
 Se fagué lo Liso.
 — « Ane ! bevan un cop de mai
 Per chassâ lo biso. »
 Disse Toni ; « cul sec »
 O begue soun veire bien plet
 — Pierichou, allez, qu'ei a te !
 Disse lo tablado. »
 Pierichou se levé tou dret
 Et d'uno lampiade,
 Masse dans veires cop sur cop.
 Mâ, co lou siclie sur lou cop.

« — Ah ! noum de Di, tu seïs un rude !
 Et tu levas plo bien lou coude,
 Pen, ne po li fâ como te.
 Tu nous aurias tous à cul sec. »
 Moun Pierichou n'en rouquetavo
 O lous visavo
 Et se moicavo,
 Mâ sous oueis perpillounavant
 O sirio toumba en avant,
 Sei lo tablo que lou calavo.
 O se dressé coumo pougué
 Et sur so sel'ô s'erené,
 — Pierichou, chanto-nous qu'ancore,
 — Qu'ancore que ne sio pas vore
 — Dijo, chante-nous lo Margui ? i
 — A be da qui !
 — Oui ! Lo Margui !
 Et co credavo !
 Co japetavo !
 Pierichou fosio hum ! hum ! hum !
 Coumo per essayâ soun run !
 — Chouf fague Toni qu'ecoutavo
 » Et que posavo
 » No sieto sur soun gran couteu.
 » Chou ! co n'ei segur pas nouven,
 » Mâ co fai rire
 » Ane ! Pierichou faut lo dire. »
 Pierichou, toujours erena,
 Decarcassa
 Etanno lo chansou si bello :
 « Quand lo Margui
 Vai au mouli... »
 Toni repren lo ritournello ;
 Sur soun couteu, ô fai virâ
 Lo molo dau mouli, mâ crac
 Lo sieto, qu'ô sauta, se casso,
 Tonirou ô l'oreillo basso.
 Mâ, re ne reito lo chansou.
 Et, coum'ô veu Pierichou
 Per accourda, brandi soun veire.
 » Pardi, ô o se !
 Penso-t-en, boujan li. » Faut veire
 Ce que se gasset.
 Pierichou se daudinâvo ;
 Tonirou, lou vi boujâva ;
 Dins lou veire, re ve nonâvo ;
 Sur lou parpai ô toumbavô ;
 Lo chamiso lo trapâvo ;
 Oris dit que lo sannivô.
 Is chanteren, is danseren.

 Is se queiteren, plo counten
 Bien a regret certenamen !
 Pierichou, en riban a lo meijou, se disse :

« Van de nâ me coueija, foudrio be que io pisso »
 O mete be un grand momen
 Souladamen
 O sentigue degoulinâ
 Qu'ancore dins sas malinas
 O rentré. Couta prei lou lie
 O se debilié.
 Lô Nardi que se preparâvo
 Et lou visâvo,
 Disse : « Qu'as-tu fa saligau
 Per ve no chamiso entau ?...
 Qu'ei lo chabaci,
 Per mo damnaci
 Diria que t'a sannia !
 Ente t'as tu counia !
 Pierichou manio so chamiso,
 Un momen, lo viso :
 — Merdo ! fague-t-eu, queu co sai foutu,
 Io pisse lou vi coume l'ai begu !
 Et ô puravo !
 Et ô credavo !
 « Yé ! Cati !... mo bouno Coti,
 Vai-t-en queri lou medeci... »
 O se planio coum' un meinage,
 Lo Cati, prenant soun corsage
 Li dijo : « Qu'as-tu, mâ qu'as-tu ?
 — « Sai mort, te disé, sai foutu,
 Cours mo Cati,
 Au medeci. »
 Lo Catirou fai grand tapage
 Et reveillo lou vesinage,
 Tout lou monde court
 Credo : Au secours !
 Is s'en van au bourg,
 Troubâ lou medeci
 Qu'erio bien indecis...
 Enfin, ô se lêvo,
 Pren soun auto nèvo
 Et vai chaz Pierichou,
 Credant toujours coumo n'auchou !
 — Qu'as-ta donne, Pierichou ?
 — Hou, Moussur, sai mort ! hou !
 — Et nous, tu seïs pas mort,
 » Tu credâs be trop fort !
 — Hou, sai foutu, oui, sai foutu !
 — Hum, n'aurias-tu pas trop begu ?
 — Belev ! mâ visâ mo chamiso !
 Lou medeci se graimo et viso :
 — Oui, eh be ? — Eh be, sai foutu,
 » Io pisse lou vi coumo l'ai begu.
 — Ah oui ! disse lou medeci
 Plo emali,
 » Beu doune de l'aigo moun piti ;
 » Si demo tu pissâs dau vi,
 » Tu siras, segur, bien gari ! FRANCIS.

BUVEZ LES NOUVEAUX
SODAS LAPLAGNE

Pur sucre - Digestifs - Rafraichissants

Lous grands pais que voutens eissel bien vus, n'an qu'a mettre
 lou pourto monnudo dins lo pocho et prenci leur piti fils per lo
 mo et s'en anâ chez J.-B. PENOT, Bimbeloterie Limousine,
 11, rue Elie-Berthet, Tél. 18.26. Vente en gros et au détail de
 jouets de toutes sortes.

Is n' troubaran tout ce que faut per contentâ leur piti monde

Refrain

Soun dur

Lou tétou de la barjeirâ soun dur quei do

couqui dur coum'a-qui Lou tétou de la barjeirâ soun dur, dur coum'aqui coum'aqui

Lou jonei semblen no mouro roussignoule que y'au-me

Lu piti tétou froujoro pu-lo mouro moduro

Edm. V.

I

Lou jonei semblen no mouro
Roussignoule qué y'aimé
Lu piti tétou froujoro
Pito mouro moduro

REFRAIN

Lou tétou de la barjeirâ soun dur.
Quei do couqui,
Dur coum'aqui.
Lou tétou de la barjeirâ soun dur,
Dur coum'aqui, coum'aqui.

II

Sito gro coumo no pruno,
Roussignoulé qué y'aimé...
Co coumenc' à fâ so bréno,
Dî soun ni sur lo pétréno.

III

I vènen coumo no poumo,
Roussignoulé qué y'aimé...
Leidoun goulétan li lo mo,
Quei ten dé culi lo poumo.

IV

Quant i soun coumo no péro,
Roussignoulé qué y'aimé...
Quei meichan sinné lo péro,
S'o bougna, l'ei tro moduro.

V

Nio qué diriâ no citrouillo,
Roussignoulé qué y'aimé...
En mognan si co s'éboullio
Quei froda nio dé lo pelliô.

Si queu journau vous plâ abounas v'autreis !
Un s'abouno au bureau dau journau, 21, vieillo routo d'Aisso, dins tous lous bureus de tabac et chaz Jean Lagueny, marchand de musico, boulevard Carnot.

N'attendez pas lou darei momen per coumandâ votreis habits daus Rampans et n'oblidez pas que per eïssei bien billa faut nâ chaz

Paul DUMONT

Tailleur

17, Boulevard Victor-Hugo

LIMOGES

Lou boun libréi !


5, place Fournier, LIMOGES
Téléph. 27.52

LIBRAIRIE PALISSON

E. DESVILLES, Succ^r

Lou boun papiei !

Lo bocado.




Quan o mé veu moun por rundi d'un èr e - m à - blé ;



dégu né so miei lu tundi, ni lu sugnâ di soun'êta - blé



Biri, biri, biri tâ minou vaqui minou vaqué Biri, biri



biri tâ moun boun por vâ qui maren - dâ



I

Quan o mé veu moun por rundi
D'un èr emâblé ;
Dégu né so miei lu tundi,
Ni lu sugnâ di soun'êtablé.

REFRAIN

Biri, biri, biri tâ,
Minou vaqué, minou vaqué,
Biri, biri, biri tâ,
Moun boun por vâqué
Marendâ.

II

Di lu lupi, quan fau buli,
Per so bocado,
Là poumpirà, yo vau culi
Dé l'otrujâ per so solâdo.

III

Yo brèssé tou co dé robâ,
Jucanto à l'anso.
Dijâ mé ça qu'un po reibâ,
Dé meillour per uslà so panso.

IV

Quan quei qué troussé mà manjà,
Juc'a l'epanlo,
Moun por né so pà bien minjà,
O vai tro vité, qu'o l'eitranlio.

V

Yo débouairé bien di lo mo
Quélo pitanço.
Pébré dé brin veiqui coumo
Tou loù jour moun por fai boumbanço.

Ei-tu sabourous notre galetou ? Nous li metten be tout se que faut per que lo pâto sio bouno, mas, per moun armo ! co se débouero pas per re.

Abounas v'autreis. Co n'ei gro tant char : treis francs, lou prix de douas pintas de vi, per vous fâ rire tout'uno annado. Ei qu'ei aisâ fâ : 6 timbres de die sôs dins no lettro et votro adresso...

Envoya lo lettro au directour de « Galetou », 21, ancienne route d'Aixè, Limoges.

Laissas-me vous baillâ un boun conseil :
Si v'autreis sei lechadier ne passez pas davant chaz
ASTIER-VIDAL Place Denis-Dussoubs — Tél. 3.66

Per mo damnaci, co forio veni gourmand ! Si v'autreis
voulez regalâ votreis amis qu'ei a qui que faut nâ fâ votrés
pervertis de gâteus et de lechoutarias.

Au printen tout se renuvelo : lous prâs sount fluris, lous
aubreis sount verts. Vous forez rentrâ lou printen dins votro
meijou si vous vâ chaz

JEAN BESSE, rue Jean-Jaurès. — Tél. 5.31
Droguerie Parisienne — Peinture « La Limousine »
chatâ de bravo pinturo et dau papier de toutâs las coulours.

Lou jour daus accords lo Madeli que siro segur no bouno menageiro disset à Lionelou :

Si tu voueis me fâ plasei nous niran chatâ lous ornemens chaz **VALÉRY, Bijoutier, 45, rue du Clocher** per mour que dins queu magasin de counfianço l'io de que chauzi et tout li ei brave et boun marcha, ce que ne gato re.

Dins lou ten, lo menageiro pausâvo lous galetois sur no touailllo. Au jour d'ahuei, lou mounde sount pus delicats : lour faut no sieto — I n'an pas tort. Un galetois bien rousser dins no sieto bien blanchô diria no crêpo. Nâ vite chatâ no douzeino de sietâs chaz **P. PASTAUD, Musée des Porcelaines, 14, 16, 18, rue Jules-Noriac, Limoges**, ce qu'un li minjo semblo meillour.

Pipo, Patrâco !

Co fasio brâve chaz Patrâco
Antan, lou jour dau Carnavar ;
Lo lou doubâvo soun Lionard,
Lo Mioun, quello pito râco !
— Tu li seis, disio-lo, trapa
A tefâ toun jus de tabac ;
Co te bailllo plo quaucoré
De toujours vei lo pipo au be !
Qu'o prou dura, tu poueis me creire,
Et si jamais te tourne veire
Entâ minjâ tous quatre sôs,
Gros feignant te rache lou cô !
— Eicoûto ce que vaû te dire
Faguet Lionard, qu'ei pas per rire.
Iô ne tournarai mâs fumâ
Lou tabac que tu pourtarâs ! »
O n'en juret, crachet per terro
Et ne se coueijâ en coulero.

Entâ co duret caucque tem,
Mas degu n'ero bien counten
Et lo Mioun dins lo meijou
Fasio bufâ soun coutillou,
Un boun seî pertant, so malico
Li passet. Dins lou coin dau fe
Is minjavan chaqu'un croustet
De po tendre fretâ de lisso.
— Si nous n'avan au liet, Lionard ?
Li disset lo, qu'ei déjà tard
Et io me sente un pau bracâdo. »
Mas lo ne fuguet pas au liet
Que lo disset : « Co faî bien fre
Lionard, moun ôme, eichauro-me.

Tout ahuei ai fa lo bujado
Et, per moun armo, sei jalado ! »
Lo lou pigouniavo be prou
Mas ô dermio coumo un cassou.

Moun Di, notre ome o bien vieilli !
Disio lo l'endemo mandi,
Se qu'ai counegu, dins lou tem,
Si courajous et si vaillen !
Un meî passet et lo Mioun
Que boudavo, lou troubet lound.
Mas co lo prenguet de pus bello
Quand lo luno fuguet nuvello
Et talomen co lo cardâvo
Que chaquo net lo li reibâvo.

Un vingt d'abri qu'a Sen Junio
O vio vendu coumo ô voulio
Et banturia en s'en tournan,
Nouit pas tou p... adouillâ
Lo li parlet tout siaû, tout siaû...
Et sitôt qu'is se couejeten
Tout en li fan daus coumplimens
Vous seî segur que lo gaillardo
Aguet d'abord bufa lo cliardo.
Lo tournet fâ so caressouso
« Co n'ei mas qui que sai hurouso
Moun pitit ôme, et sabe plo
Que tu m'aimâs, li disio-lo. »
Mas tant mâs, tant mâs lo parlâvo
Tant mâs notre Lionard rouflâvo !
Lo Mioun n'ero mourtifiâdo ;
Lo sougnâvo et se carculavo,

Tabé qu'au jour, en se levan,
L'avio trouba un autre plan.
Quand lo boujet sous fromageis
O lei de cinq n'en faguet sieis
Et lo partiguet per lo villo
Touto risento et pus tranquillo.
Lo pourtet sous cinq fromageis
Dins sâs meijoûs. Mas lou darei
Que l'avio fat en supplement
Lo lou pourtet tout bounamen
Au prumier bureu de tabac,
Et veiqui moun counte chabat !
Vous devinâ qu'après soupâ
Lionard aguet de que pipâ,
Et lou dessert fuguet si boun
Que lou lendemo lo Mioun,
Lo couefo touto devirâdo
Traucavo, en fujant, notre pradô
Per prener lou chanî dau bourg.
— « Eh be, Mioun, vaî-co toujours ? »
Credei-iô, — Co vai mier, merci !
N'an passa un mechant bouci,
Lionard me baillavo a lo teito
Mas deipei hier nous soun a feito
Et co so bien tourna doubâ.
Mas qu'o-t-eu gu ? — Qu'ei soun tabac
Deipei treis meis que li mancavo.
Eitabe — me que lou privavo —
Jamais pus ô li mancavo,
Vendric putôt moun caraco !

A. GOURSAUD.

Lo penitenco

Lo veillo de soun maridage, commo de rasou, Pierricou anet se confessa. Qu'ero un brave drolle que n'avio ni rôba ni voula, cita-be lo confessi fuguet têt facho.

Lou curé, après li vei baillâ l'absoluci, li faguet beure un verre de vi blanc de messo, que n'ero pas batisa mas qu'ero boun tout

parei. li sonhate bouno chanço, et veiqui moun Pierricou tourna parli, counten coumo un roussignô.

Mas en ronto ô se pense que lou curé li avio pas baillâ de penitenco et ô tourne virâ.

— Qu'ei aco Pierricou, t'as oblida quaucoré ?
— Neî gro, moussur lou curé, qu'ei vous que vous seî oblida de me baillâ mo penitenco. lo lo tourne queri.

— Poubre drolle, faguet lou curé, vais-t-en tranquillê. Tu te maridas demo, et iô te repounde que to fenno n'oblidaro pas de lo te baillâ to penitenco !

Quand lou vi ei boun beurlâ quand n'auriâ pas se.
Si vautreis voulez de boun vi, baillâ votro prafico à...

René JACQUET 60, avenue Adrien-Tarrade
LIMOGES Tél. 2.92

Soun vi, qu'ei de las chansouns en bouteillâs !

Châz PAUL JOUHAUD ia vu de trop bravaa besugnas : no troyo-mobilo que fugi coumo lou vent, no pito bouteillo de fer ente lio dau gaz butane per mais de treis meis, co ne pu pas, co se lumo en d'uno lumeto o be en d'un cop de pirtoulet, et un n'o pa vira lous talous que l'aigo bur. L'i ai vu aussi lo T. S. F. que parlo tous lous lingageis dau mounde, nâ dins lous

ÉTABLISSEMENTS JOUHAUD, RUE GUSTAVE-NADAUD, TÉLÉPH. 14-23
LA MAISON DES " FORD "

Vautreis ne tournerez pas aerti sans châta qu'aûcore !

Soun agilita

Arsei, lou paï Tistou, lou metadier de modamo de Jarrofrejo, me coumte n'istôrio que me fogue rire :

So maîtresso, que mountavo a chovau to be coumo un ôme, essayavo no jumen din lo lejo dô chateu. A d'un momen, lo beilio ogue beleu pô de caucore, obe no moucho pijo lo pique, lo baille un co d'echino, se pounche touto drecho e foute lai modamo de Jarrofrejo, soû coutilloû sur so teito, e, per molur, lo vio oblida soû pantolou.

Tistou, que venio de sorâ lâ vochâ vigne lou co; ô courgue per aidâ so maîtresso a se metre d'en pei, mâ l'erio plantado can-t-ô fugue prei d'elo.

O li demande si lo se vio fâ mau, mâ lo li reïpnde :

— Oh ! pas du tout; mais, dites, Tistou, avez-vous vu mon agilité ?

Tistou, que vio ounto, li disse :

— Modamo ai le vu, ô respe que vou deve, ce que... ne poudio pâ ne pâ veire, mâ, ercusa-me, ne sobio pâ que co se pelavo *vôtr' agilita...*

LOU VIEI MARSAL.

Un cop de malhur

Marsaudou et so fenno decharjovan, darei l'églijo, no charretado de fagôtas per Moussur lou Curé, et qu'ero un paû dangeirous, per mour qu'un vitraû se troubâvo rasibu lou moudelou de bouei.

Lo fenno disio be prou : « Faï attenci de ne pas cassâ lo vitro ! » mas lou Marsaudou qu'ero pressa n'ecoutâvo gro et, tout d'un cop, bradadaû ! lou vitraû voulet en milo boucis !

« Fe de Di, faguet lou paubre ome, ai gâgna mo journado ! Et sartout, disset-eu a soun fi lou piti Jan, demo au catregirme si lou curé te damando, faï queu que ne so re. »

Lou lendemo, dins l'églijo, lou piti Jan n'en tremblavo sur soun banc. O visavo lou vitraû creba et ô n'oviguet pas quand lou curé damandet :

— « Qui vous a créé et mis au monde ? »

Mas lou curé que l'epiâvo, li disset :

— Tu ne repoundéi pas, piti Jan, tu sei dins lo luno ?

— Moussur lou Curé, ne sabe pas !

— Coumo, tu ne sabeï pas ? ». Et ô frunsiguet talomen sas cillas que lou paubre drollé repoundet en safrounan :

— Moussur lou Curé ne vous fachez pas, qu'ei moun paï, mas co l'o bien troumpa, et mo maï li disio be prou de fâ attenci !

Lou gouret de la

Lo troyo daus metadiers de moussur Pisso-Vinagre avio douze tetinas coumo toutas las troyas, mas l'aguet treize pitis gourets, et tant que lous autreis tetavan lou treizieme visavo.

Lo metadiero disset a soun ome : « — Queû piti gouret ne proufito pas. Si nous lou baillavan a notre moussur co li fario plâsei. Faut pourtâ l'onour ente faut. »

Sitôt dit, sitôt fa. Lou gouret de lat fuguet pleja dins no touaïllo proprio, et lou piti Lionou prenguet sas chambas en soun cô et courguet au châteû.

— « Notre moussur, mo mai vou faï pourtâ un gouret de lat. »

— « Tu seïs un gente garsou, Lionou, et perque tu fas si be las coumicis vei te qui no bilieto de chocolat. »

Lionou ero plo counten, per mour qu'ô ne minjavo pas suven de chocolat. Eita be quand so maï li chatet un piti fraï, un jour qu'o lou ninavo, ô lou prenguet et lou pourtet au moussur.

— « Moussur, qu'ei mo maï que vous fai pourtâ moun piti fraï ! »

— « Bougre de Lionou, tourno-lou n'en vite. Que voueis-tu que n'en fase ? Ne sei pas soun paï ! »

— « Mas, moussur, vous n'eras pas lou paï dau piti gouret, mais vous lou prengueréi be, tout parei ! »

Qu'ei aco, qu'ei aco...

- 1° Sarci et petassa, jamais lo gulio lio passa ?
- 2° O marcho lou mandî en quatre chambas, lou tantôt en douas, lou sei en treis ?
- 3° Negre lou jour et blanc lo net ?
- 4° Quatre oueis, quatre oreillas, sieis chambas et no couo ?
- 5° Perque pourto-t-un batisâ lous pitis ?
- 6° Soun paï brulo tout ce qu'ô magno, lo mounto aus ceus sans alâs et lo faï purâ tous quis que lo rencountro ?
- 7° Qui pauso so cravato per nâ beure ?

Lou « Galetou » de mars vous baillaro lo repounso. En attendant fasez travaillâ votro teito.

Moussur LAFARGE ei si aimable que quand un lou vaï veire faut bien fâ attenci. A forço de goûtâ sas bonnâs liquours : Rhum Jama, Royalet, se sadoularias sans s'en apercegre. Co n'ei pas entâû que faut fâ. Faut n'en chatâ no bouteillo et n'en beure un piti cop après lou repas ; co faï fâ lo digesti et co chasso lo maranquino :

Établissements LAFARGE-REBOUL, Av. Emile-Labussière

Tu seïs fier coumo un petorabo Jantissou !
 Tu preneis tous habis de noço per nâ à lo feiro ?
 Tu te troumpas moun paubre Lionard... qu'ei daus habis
 de tous lous jours

Chaz DONY

en d'un viro mo un fai un moussur d'un touerau coumo
 me.

A. DONY

VETEMENTS POUR HOMMES, DAMES, ENFANTS

2, 4, 6, rue des Hallest, 2, 4, 6, Limoges

Maison la plus ancienne qui ne doit son succès qu'à sa fidèle
 clientèle. — Téléphone 2-84.

La paubro Netillo ! Toutas las drollas dau village sount
 jalousas d'ello et las li an fa no chanson

Deipei qu'a lo villo l'ei nado
 Farfouillâ dins lous magasins
 Fô lo veire fâ l'embrenado
 Lou rei sirio pas soun cousin.

Per que ne fan las pâ coumo ello, l'as n'en mas a prenei
 l'autobus, e'na a Limogeï chatâ tout ce que fau per esse
 fierâ chaz

BOUCHARA

13, Rue du Clocher, 13, LIMOGES :: Tél. 27.64

SOIERIES, LAINAGES, HAUTE-NOUVEAUTÉ.

Chaz SENAMAUD ET SŒUR.
 un po troubâ dau porto monudo
 ente sauten las pessos, n'io
 aussi de qui pitis sacs brenous
 qu'aïment tant la geintas fillas
 de notre Lemouzi.

SÉNAMAUD & SŒUR
 26, Rue Montmellier :: LIMOGES

Ente vas-tu Jeantissou ? Iô
 crese qu'ai trapa lo grippo et
 couré vite chaz DUSSOUBS,
 Pharmacie Denis-Dussoubs, rue
 Adrien - Dubouché, cherchâ
 quaucore per lo coupâ. Un tro-
 bo dins quello pharmacie daus
 remedis per tous lous maus !

LA PLUS ANCIENNE DE LA RÉGION
 ET LA MIEUX ASSORTIE

Is disen que faut beure lo biero en citi quand fai
 chaud. Bouei co fai per lo biero coumo per l'amour
 qu'ei toujours lo sasou !

Bevez quello de **Bertrand - Mapataud**
 qu'ei lo meillour.

Les bières

Bertrand - Mapataud

Route de Nexon, Limoges - Téléph. 16

Si queu journau vous plâ abounas v'autreis !
 Un s'abouno au bureu dau journau, 21, vieillo routo d'Aisso,
 dins tous lous bureus de tabac, et chaz Jean Lagueny, marchand
 de musico, boulevard Carnot.

CO NE COUTO MAS TREIS FRANCS !

Garsous, drollas
 Faut m'écotâ
 Qu'ei plo segur
 Châz Lebur
 Que v'autreis
 Troubarez
 Couefuro
 A votre teito

La Chapellerie

LEBUR

et

LEBUR

MODES

Rue Adrien-Dubouché

Les mieux assortis de la Région

L'autre jour avio rentra chaz GRANY per chatâ no brouso, dau sablou, un pinceu mais un foupî de
 coulour.

L'i rencoutrei lo pito Netillo dau Mas que viravo las pajâs d'un libre qu'o beleu treis peds de lound et dous
 de large. Lo chazissio dau papier à flours per tapissâ so chambro. « Un trobo de tout, dins queu magasin,
 dissei-iô. — Co n'ei pas vrai, faguet lo Netillo. — Et que désirez-vous donc, mademoiselle ? disset moussur
 Grany. — Ce que iô desire, vous n'en vendez pas. Sans vous fâ rimâ co sirio un gente galant ! ». Et moussur
 Grany fuguet bien trapa.

Barthélemy GRANY, 9, place des Carmes, LIMOGES, Téléphone 23.92

Is disen que tout ei char. Co n'ei gro vrai. V'autreis ver-
 rez qu'un po vei no bravo garnituro de chambro per pau
 d'argent, si v'autreis âs lo bouno edeio de nâ fâ no visito à

L'Ameublement Général

UNION DES FABRICANTS

Limoges, Place de la Motte, Limoges

**Tout ce qui concerne
 L'AMEUBLEMENT**

Tous genres

Tous prix

Le Gérant : François BEYRAND.

Un boun galetoü bien graissa de mïau co vau be no crépo.
 Queu de chaz RAFFIER ei plo lechadi. E sas pastillas sount
 plo bounas, per moun armo !

RAFFIER, Palais des Abeilles

15, rue Adrien-Dubouché, 15, Limoges.

Per eissei fort et santous fau bien beure et bien minjâ.
 Co n'ei gro, di marçei, lo bouno pitance que manquo, chaz
 nous. Visâs lo bouchorio DELARBRE, sur lo plaço Carnot :
 co baillario l'envio de se mettre lo servieto sous lou habi-
 gnou. Biô, moutou, vedeu, porc, lous boudins, lous ven-
 treis, las couradas et lous quittei endunles. Et co n'ei pas
 de lo viando essorcho, co dau jus et co baillo dau sang !

Imprimerie E. RIVET, 21, ancienne Route d'Aix, Limoges.